

Yungzsuij:

Banh Aenban Sonlienb Guh Man Myauzcuz



8 nyied 20 hauh, youq Yungzsuij Myauzcuz Swciyen Yanghfwnj Yangh Yijbuz Cunh, aenban sonlienb guh man Myauzcuz hai ban lo——aeu “Guengjdoeng Guengjsae doxgap, fwngz riengj lai miz hong guh” guh cawjdaez. Aen yienh neix caeuq Gvangj-dungh Lenzgyangh Si (aen si doxciep bang-

fuz) guhdoih banh aenban sonlienb neix. Dazyinx 100 boux mehmbwk ranzungzhoj dangdieg daeuj hag; gyoengqde aeu hag 10 ngoenz, aeu hag rox lai ak guh man, neix ndaej ciepcienz gij dinfwngz siuqnyib doenghyienh Myauzcuz, youh miz hong guh lai ndaej cienz. (Lungz Dauh)

◀ Ndaw doz dwg bouxswncienz Lij Yihyenz (baihgvas boudaihngieih) son bouxhag siuqnyib.

Denzyangz:

Comz Vunzlai Hwnj “Dangz Hung Lwnh Duetgungz”



▲ Ndaw doz dwg aen yienhciegz vunzlai dingq gojgaeq duetgungz.

8 nyied 19 hauh daengz 20 hauh, Bwzswz Si Denzyangz Gih youq gizdieg vunz senj dieg comz youq banggungz de guh hozdung comz vunzlai hwnj “dangz hung lwnh duetgungz”. Baez hozdung neix guh haujlai saeh, boudaengz lwnh gij gojgaeq baenzlawz duetgungz baenzfouq, lwnh gij cwngcwz gunggeng duetgungz, son vunz hag

gij dinfwngz duetgungz baenzfouq; caiq hawj gyoengqvunz ranzungzhoj lai miz hoz lai rox gag okrenz duetgungz baenzfouq, lai rox gyo’mbaiq boubxangfuz, neix gyoengqvunz ndaw gizdieg vunz senj dieg comz youq banggungz de maij dingq dangqmaz bae.

(Vangz Gozsun Loz Gveihoz)

Luzcai: Gij Giyez Gyaez Coengh Vunz De Okcienz Hawj Bouxhagseng Ranzgungzhoj Ndaej Caiq Doeg Roengzbae



▲ Ndaw doz dwg baih giyez soengq cienz daengz ndaw fwngz bouxhagseng ranzungzhoj.

8 nyied 19 hauh, youq Luzcai Yen Bingzsan Cin Dayangz Cunh Mbanjvaizhaij, gij giyez gyaez coengh vunz de soengq 5000 maenz cienz banghag hawj bouxhagseng ranzungzhoj heuhguh Lungz Yihyenz. Lungz Yihyenz dwg boubxhagseng lij youq Gvangjsih Yisuz Yozyen Cizez Gisuz Yozyen doegsaw, bineix conghoh bizyez; de dajsuenq bineix seizcou caiq doeg bwnjgoh. Danhseih ndaw ranzungzhoj lai, mbouj miz cienz soengq de doeg lai. Youq seiz youqgaenj baenzneix, “aen hozdung Hungzci giyez 2020 nienz coengh hagseng ndaej doegsaw” soengq cienz hawj de ndaej caiq doegsaw roengzbae.

(Lai Genveih)



▲ Ndaw doz dwg boudajndaem diemj va maklozhangoj.

Sanhgyangh: Mbanj Yauzcuz Dajndaem “Mak Baenzfouq”

8 nyied 21 hauh, miz vunzmbanj youq Sanhgyangh Duncuz Swciyen Gauhgih Yauzcuz Yangh Bwzgin Cunh ganq maklozhangoj. Haujlai bi doxdaeuj aen yangh neix vunzlai cungj youq naj ranz laeng ranz dajndaem maklozhangoj, danhseih geij bi doxgyawj neix ciuq gij unqsik “gunghsw + gihdi + ciennieb hozcozse + nungzhoh” guh, aeu banhfap lai ndei dajndaem, ndaem cungj maklozhangoj ndei; ok rengz hung hwnghat maklozhangoj canjnieb. Neix hawj vunzlai lai ndaej cienz haeuj daeh. Dangqnaj daengx yangh gungh ndaem 3000 moux, moux dijcienz 6000 maenz. Doiq vunzlai mbanj Yauzcuz daeuj gangj, maklozhangoj suenq dwg “mak baenzfouq” lo.

(Gungh Bujganh Yangz Cinhniz)